



**CONCELLO  
DE  
MEAÑO**  
CP 36968  
(PONTEVEDRA)



**ORDENANZA REGULADORA DA TAXA POR APERTURA DE GABIAS, CALICATAS E CALAS EN TERREOS DE USO PÚBLICO LOCAL, INCLUSIVE ESTRADAS, CAMIÑOS E DEMAIS VÍAS PÚBLICAS LOCAIS, PARA A INSTALACIÓN E REPARACIÓN DE CANOS, CONDUCCIONS E OUTRAS INSTALACIÓNS, ASÍ COMO CALQUERA REMOCIÓN DE PAVIMENTO OU BEIRARRÚAS NA VÍA PÚBLICA**

**Artigo 1º. Natureza e fundamento.**

No uso das facultades concedidas polos artigos 133.2 e 142 da Constitución, polo artigo 106 da Lei 7/85, do 2 de abril, reguladora das Bases do Réxime Local, e os artigos 20 e 58 da Lei 39/88, do 28 de decembro, e de conformidade co disposto nos artigos 15 a 19 da Lei 39/88, do 28 de decembro, acorda a imposición e ordeación da **Taxa por apertura de gabias, calicatas e calas en terreos de uso público local, inclusive estradas, camiños e demais vías públicas locais, para a instalación e reparación de canos, conduccións e outras instalacións, así como calquera remoción de pavimento ou beirarrúas na vía pública.**

**Artigo 2º. Feito imponible.**

Constitúe o feito imponible da Taxa, a utilización privativa ou aproveitamento especial do dominio público municipal polos conceptos que se sinalan no título desta Taxa.

**Artigo 3º. Suxeitos pasivos.**

Serán suxeitos pasivos desta Taxa as persoas físicas ou xurídicas e as entidades a que se refire o artigo 33 da Lei Xeral Tributaria que disfruten, utilicen ou aproveiten especialmente o dominio público local en beneficio particular, consonte algún dos supostos citados no artigo segundo.

**Artigo 4º. Responsables.**

– Serán responsables solidarios das obrigas tributarias dos suxeitos pasivos, as persoas físicas e xurídicas a que se refiren os artigos 38.1 e 39 da Lei Xeral Tributaria.

– Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.



**CONCELLO  
DE  
MEAÑO**  
CP 36968  
(PONTEVEDRA)



### **Artigo 5º. Cota tributaria.**

A cota desta Taxa será a que figura no anexo desta Ordenanza.

### **Artigo 6º. Beneficios fiscais.**

Só se admitirán os beneficios que veñan establecidos nas normas con rango de Lei ou deriven de Tratados ou Acordos Internacionais.

### **Artigo 7º. Devengo.**

Percíbese a Taxa e nace a obriga de contribuir:

- Nos servicios de retribución puntual, no momento de presenta-la solicitude de concesión ou autorización do aproveitamento.
- Nos servicios de retribución periódica, percibirase a taxa o día primeiro de cada ano natural.

### **Artigo 8º. Liquidación.**

- Cando se trate de servicios puntuais liquidarase e esixirase a Taxa correspondente en calidade de depósito previo, en todo caso antes de iniciar o expediente de concesión ou autorización do aproveitamento solicitado.
- Cando se trate de servicios de retribución periódica liquidarase a Taxa nos períodos que se sinalen na tarifa da Taxa ou na liquidación única anual.
- Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a debida, esixíndose o ingreso nos prazos previstos no Regulamento Xeral de Recadación para as liquidacións de contraído previo, sen prexuízo da apertura do oportuno expediente sancionador por infracción tributaria.


### **Artigo 9º. Ingreso.**

O pagamento desta Taxa realizarase:

- Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ó inicio dos expedientes de concesión ou autorización do aproveitamento interesado.



**CONCELLO  
DE  
MEAÑO**  
CP 36968  
(PONTEVEDRA)



– Nas liquidacións por recibo ou padrón, nas datas e entidades financieras ou oficinas que se sinalen no edicto de exposición pública do padrón.

#### **Artigo 10º. Infraccións e sancións.**

Nesta materia estarase ó disposto na Lei Xeral Tributaria e normativa de desenvolvemento.

#### **Artigo 11º. Normas de xestión.**

– As persoas ou entidades interesadas na concesión ou autorización para realizar os aproveitamentos sobre o dominio público municipal a que fai referencia esta Taxa, deberán presentar solicitude achegándolle o plano, o detalle da superficie do aproveitamento e da súa situación dentro do termo municipal. Con carácter previo á autorización ou concesión do aproveitamento, a persoa ou entidade interesada no aproveitamento aboará o importe da Taxa en calidade de depósito previo.

– No caso de denegarse as autorizacións, os interesados poderán solicitar a devolución da Taxa ingresada en calidade de depósito previo.

– Unha vez autorizada ou concedida licencia de aproveitamento entenderase prorrogada mentres non se presente a declaración de baixa polo interesado.

– Cando finalice o aproveitamento, os suxeitos pasivos formularán as declaracións de baixa no censo ou padrón da Taxa e surtirá efectos no período natural seguinte ó de presentación da mesma, podendo, no seu caso, prorratearse por meses. A non presentación da baixa determinará a obriga de continuar aboando a Taxa.

#### **DISPOSICIÓN FINAL.**

A presente Ordenanza Fiscal, cunha redacción definitiva aprobada polo Pleno da Corporación en sesión celebrada na data que se expresa no anexo a esta Ordenanza, entrará en vigor o día 1 de xaneiro de 1999.



**CONCELLO  
DE  
MEAÑO**

CP 36968  
(PONTEVEDRA)



**A N E X O**

**Primeiro. Tarifa.**

PARA APLICACION DA ORDENANZA DA TAXA POR APERTURA DE GABIAS, CALICATAS E CALAS EN TERREOS DE USO PÚBLICO LOCAL, INCLUSIVE ESTRADAS, CAMIÑOS E DEMAIS VÍAS PÚBLICAS LOCAIS, PARA A INSTALACIÓN E REPARACIÓN DE CANOS, CONDUCCIONS E OUTRAS INSTALACIÓNS, ASÍ COMO CALQUERA REMOCIÓ DE PAVIMENTO OU BEIRARRÚAS NA VÍA PÚBLICA

<u>Concepto</u>	<u>Pts.</u>
<b>POLA APERTURA DE GABIAS, CALICATAS E CALAS EN TERREOS DE USO PUBLICO LOCAL, INCLUSIVE ESTRADAS, CAMIÑOS E DEMAIS VIAS PUBLICAS LOCAIS, ASI COMO CALQUERA REMOCION DE PAVIMENTO OU BEIRARRUAS NA VIA PUBLICA, CON ANCHO IGUAL OU SUPERIOR A 3 METROS</b>	<b>1.500</b>
<b>* POR CADA M.L. QUE SUPERE OS 3 METROS, INCREMENTARASE EN</b>	<b>500</b>
<b>POLA APERTURA DE GABIAS, CALICATAS E CALAS EN TERREOS DE USO PUBLICO LOCAL, CAMIÑOS E DEMAIS VIAS PUBLICAS LOCAIS, SIN PAVIMENTAR, POR CADA M.L.</b>	<b>10</b>

**Segundo. Outras normas especiais de xestión.**

**Terceiro. Data de aprobación.**

**DILIXENCIA:**

Póñoa eu, Secretaria-Interventora do Ilmo. Concello de Meaño, para facer constar que a imposición e aprobación da presente Ordenanza Fiscal Reguladora da taxa por apertura de gabias, calicatas e calas en terreos de uso público local, inclusive estradas, camiños e demais vías públicas locais, para a instalación e reparación de canos, conduccions e outras instalacións, así como calquera remoción de pavimentos ou beirarrúas na vía pública, foi aprobada provisionalmente polo Pleno da Corporación en sesión extraordinaria de data 28 de setembro de 1998.

Meaño, 29 de setembro de 1998